



MARA EVANGELICAL CHURCH

VACHHUH

MONTHLY NEWSLETTER



Volume 28

Monthly Newsletters

July 1/2021

Editorial

“Atheihna hlâta reingiana pha via ta” tahpa Hrosopa Samuel ta Sawla hnohta a reipa he a tanoh eima râh duahmo liata peimawh kawpa a châ (1 Sam. 15:22). Sawla cha ano pachâpa ta Amale chariah adyuhna ei na pahniesa tawhta cha Viachao thawhpazy Mietaku thawhpazy ta ABeipa lâta atheihna ei hlâ khiah ABeipa Khazohpa ta ei na ly kaw thlyu aw tahpa pachâpa ta Khazohpa biepiepa (1 Sam 15:3) ryhpa a vaw parao haw. Khazohpa ta â vaw ly awpa cha rei leipa ta, reingia leina vâta Izarel beipa châna pabâhpa a châ. Atanoh eima Mararâ cha Covid-19 chariah ta maniah a siehnao pathao haw. Notla Mararâ Saikao khiah liata rairuna tha ta ama tyh. Nochhi Mararâh lâ chhao eima chheipâh khihpizy liata Covid-19 hri a veihpa hluhpi hmôpa châ haw eita, eima râh lâ chhao a vaw ngiah laih thei ba hra. Chavâta Covid-19 hri-iah tawhta eima râh, khiah, chhôhkha, nata pôhkha eima boh thei nawpa ta eima zydua ta tovyuh eima hnei chyu. Atahma he cha Covid-19 ei thôhna tily châ ta, tily ei khana nata ei nona zy hlâta a lie hluhpi ta a paru viapa nata a chatlie viapa a châ. Chavâta he Covid-19 chariah a dyuhna liata Mara saw zydua a pohkha awpa a byuh ta, zawpi ta a vaina châta tao awpa nata tao lei awpa maniah ama piepazy he reingia awpa a châ. Hmao a paky awpazy, ku ti a si awpazy, khôtho pua lei awpazy, zawpi a pahmaona liata a pahlao lei awpazy, khichhai patlôsa lei awpazy etc... reingia kawpa ta zi awpa a byuh. Awnanopa tawhta Covid-19 avaina taopazy tlyma, MCPC nata VCPC tawhta Covid-19 avaina taopazy tlyma, nata sawhkha tawhta avaina taopazy tlyma reingia kawpa ta zi awpa a châ. A pha chy bao na! tahpa he eima lei pathaona a châ aw. Potlana kyh a châpa vâta keimo vâta mohropazy pabua lei awpa chhao a pha. Eima râh liata Covid-19 chariah adyuhna raihria he chyhsa to maophaona a châ. Meitheia a chabapa chariahpazy cha reihpha chei thaipa a châ. Covid-19 hri deikua reihpha chei thaipa châ vei. Hmô thai leipa eima chariahpa a châ. Chyhsa sopazy ta ama taopa avaina dâh zy REINGIA kawpa ta zi chyu suh vy!!!

Covid-19 vâta Local atyuduana pahnosana

Covid-19 hri he 2019 December tawhta atakô 2021 taih âpai thei mah vei. Myanmar râh liata Covid-19 tily ei (3)na he hmiatuapa hlâta chi chhiah viapa nata

chatlie viapa a châ. Atahma eima chheipah taihta hri aveihpa ama y haw. Atakô cha Sawhkhâ heta Covid-19 kyh nata azaopa ta pakhâna tlyma, avaina dâh awpa tlyma order a papua khao leipa vâta eima vaih, khiah nata awnanopa châ chyu ta avaina maohphaona la awpa a châ haw.

MEC Office Bearers’ Meeting (June 21-22, 2021) ta eima Awnanopa chhôh zawpi atyuduana awpa kyh a ry liatapa hawhta bie a pathlu. Chavâta Covid-19 tawhta eima boh thei nawpa ta local church to ta he hawhta nama vaw tao chyu awpa ta ABeipa moh ta ahawna hneipa nama châ.

1. He châ (order) nama hmô noh tawhta noh/daihti thliena y leipa ta MEC local church to ta Zawpi apakhypa chalihsa chy ba awpa a châ aw. Apakhy heih theina cha hmiala ta thatih thlai eima pahnosa lyima aw.
2. Achhyna O liata Mydi thlachhana deikua cha pazao lyima theipa a châ aw. Anodeikua cha pakha nata pakha feet 6 ahlapa ta atyupa a châ aw.
3. Local Standing Meeting, Department Meeting nata Awnanopa meeting peimawhpazy a y khiah ta cha, achhyna o liata hnei awpa a châ aw. Ahmaohna maihta, hmaopaky aky awpa nata pakha nata pakha feet 6 ahlapa ta atyu awpa a châ aw.
4. Nôpakiana program chhao maluh achyh thei chaina hawhta taopa a châ aw.
5. Athipa ri kiahna chhao maluh chyhpa ta taokhei thaina lâthlôh local ta a pachâ aw.
6. Local church liata campaign, ahmâna nata Sunday School achuna zy chalihsa chypa a châ.
7. Awnanopa mohohna kyh liata Machâ bia chakaona he thapatlô lyima awpa châ aw ta, local church ta âbyuhna hawhta local avaina nata chakaona dâh a pachâ aw.
8. Zâ to chhôhkha apakhyna hnei tyh awpa a châ aw.

He hawhta local to ta nama vaih chyu awpa ta pahnosapa a châ.

1. Khiah / Local to ta Khichhôn ryureituhpa, VCPC zy, khiah nôpawpazy, Awnanopa nôpawpazy hmaohkha ta aparao hpa ta avai thaina hmâh la awpa a châ aw.

2. India r h chh h liata Covid-19 hri thata a chareipa v ta India – Myanmar Boarder liata a ypa local / khih cha strict kawpa ta khitlyna nata sievawna pakh  khai awpa ta khokheipa nama ch .
 3. L lai chapiapa local church zy cha Covid-19 hri a chareipa su tawhta a vaw tl pa eima khihsawzy, khichhai hmia pahno leipazy, r h hro nata su hropa tawhta a vaw tl pa zy cha, khih liata pariesa lei awpa nata  mo tawhta aboh/avaihna l thl h pach  awpa a ch  aw.
 4. Peimawh tuna y leipa khiah, chyhsa hropa o l  charei lei awpa a ch  aw.
 5. Kheihawhpa meeting tlyma, chyhsa hluh via ahmaohna maih ta, mask hm  lyma awpa a ch  aw.
 6. Eima vaw hm h tyhpa hawhta sabaw ta ku ti asina kha avaina pha chaipa a ch .
- He hawhta Covid-19 v ta zawpi apakhyna zy, Awnanopa ta a tao tyhpa Program pha kawpazy eima chalihsa chypa he, kyhpach na raihria hawhta pach  ei sila, keimosasyh avaih thaina chhao eima hnei chyu awpa ta eima pasyu khohpa a ch . Chav ta MEC local church to ta ABeipa l  mopa ta he atyuduana eima pahnosapa hawhta eima zi chyu awpata ABeipa moh ta eima pahnosa chaneipa a ch .

Krizyhna nata Covid-19

Khizaw r h hneir hpa hlupizy cha Covid-19 pakh na thohna ama chho via khai haw. Cha hawhta thohna chhona liata Krizyhpa thokhazy a chho khoh v'ei. Covid-19 hriiah he Sata tawhta apuapa hriiah a ch , chav ta thohna a chhopazy cha Sata biehnena eima thisai liata a ngia awta ngiap na a padah h'aw tahpa a ma pachu haw. Africa nata India r h Krizyhpa thokhazy he hawhta ama dyu haw v ta a chholeipa ama y h l . Sawkh  tawhta athaipazy aw eita ama chho pasia lym .

Relief raina

Eima Sawhkh  riarina nata Covid-19 v ta Finnish Evangelical Lutheran Mission (FELM) nata Evangelical Lutheran Church in Hong Kong (ELCHK) tawhta deichhyna eima dao. Kihipi local church ahlao leipa ta khitaw local church zydua l ta deichhyna raipa a ch . Awnanopa eima riethei chaina daihti liata he hawhta deichhyna miah pietuhpa FELM nata ELCHK ch  ta alyna bie eima hl . Awnanopazy ta  mo ch ta thlahchha bao chyu ei suh vy.

Church Council (USA) EC meeting

Ei 8na MEC: Church Council (USA) Executive Cmmittee Meeting cha May 29, 2021 noh ta Tennessee local church liata taopa ch  ta, member (22) ama hlao. Covid-19 v ta 2020 liata Church

Council Pakhyipi tao thei khao leipa ch  ta, atak  2021 September thaona liata Iowa liata ei 7na pakhyipi tao awpa ta ama pathlu. 2022 k  liata EC meeting chhao cha Goergia local liata tao awpa ta ama pathlu. 2021 September liata Pastor Khaitha (Texas) he ordination pie awpa ch  aw ta, Saya Moe Kyaw Thu (a) John Bawinawl (s/p Htp. Teihra (L) chhao Probationary pastor pa-ipa ta Kentucky local liata a chakao awpa kyh hriapazih haipa a ch .

Khitlah Ihmya Policy

June 21, 2021 noh ta MEC Office Bearers Meeting cha Rev. Teitu Hall, Lialaipi liata taopa a ch . Cha liata MEC, HHM, TSD, MTP, MSA nata MCHP chhao hruapa ch  ta, Marara Khitlah Ihmya taona pawlisi (policy) kyh reipa a ch . Cha liata hezy   hlao.

1. Moto ahlaona (Inclusion)
2. Ti moh hna (Water management)
3. Niedo thlahl na (Food security)
4. Thaisona achuna (Education)
5. Hmohrohneipa pabohsana
6. Ativyna (economics)
7. Paraopakei theipa chichhina tawh avaina (disaster)

Rei leipa ta a bu ta papua awpa a ch  aw.

Covid-19 Emergency Response Centre

Chin State liata Covid-19 hri aveihpa hluh via lyma ei ta, pastor mo (37) hrona ama pahlei haw. Eima chheipah Leika, Matupi, Gangaw, Hakha, Thatla ... zy liata hri aveihpa ama hluh kaw ba. Chav ta MEC chhao Mararah zydua ch ta Lialaipi liata Covid-19 hri aveipazy ama y pathlei khiah, moh h nawpa ta "Covid-19 Emergency Response Centre" a padua. COME siku o liata a ch . Lialaipi liata chhao July 10-31 taih khichhai, khihchh hpa zydua khih angiapa nata apuapa pasaipa ch  khao vei. Eima r h ch ta thlahchha chyu ei suh u.

K  khophie Audit-na pahnosana

Mara Awnanopa Assembly s h he k  kha ta ei no audit-pa a ch . Atak  k  khophie audit-na cha ary liata noh raopa hawhta taopa a ch .

OFFICE CHYU AWPA AUDIT-NA NOH AUGUST 23-28, 2021

Office	Tl� noh	Audit noh	Pai noh
Ngephei Office	Aug. 23, 2021 (Mon)	Aug. 24, 2021 (Tue)	Aug. 25, 2021 (Wed)
Sabyhpi Office	Aug. 25, 2021 (Wed)	Aug. 26, 2021 (Thu)	Aug. 27, 2021 (Fri)
Lialaipi Office	Aug. 27, 2021 (Fri)	Aug. 28, 2021 (Sat)	Aug. 30, 2021 (Mon)

KTP Department

1. Atakô KTP Hâta biepipa cha “Khazohpa A Pahnopa Thyutlia” (Bich. 12: 1) tahpa châta, Guide Bu cha Pro.p. San Lwin (KTP Secretary) ta vaw pachhuah panohpa ta, 3-9 June 2021 chhôn zâ daihti maihta bie achuna nata zawpi reipahmaohna ta ahmâpa a châ. Thokha foreign Local KTP zy cha Covid-19 vâta sukha liata ahmâ thai leipa eita, châhrasala Zoom tawhta achunazy ama tao pha ngâsâ. Atakô hâta ahmâna dâh he Local KTP to eimâ thôkhei hmeiseih. Khazohpa bie nata hla lâta ahrana dei châ leipa ta, arylâ palâsazy he hâta chhôn liata chakao theipa a châ.

- 1) Achhyna-o nata khitlâ pasipathaihna
 - 2) Achhyna-o kiah nata khih chhôn liata thokô phapazy lohna
 - 3) Hâta chhôn liata nohkha thlahchhâna (Local Awnano Nô pawpazy chhihthapa ta)
 - 4) 6 June 2021 (Sunday) zâ liata Local KTP to “Singsong Service” taopa a châ.
2. Ei (74) na KTP Aduana Noh cha Local KTP hluih via ta 10 June 2021 noh liata hmâ eita, thokha deikua cha ryhpao âh leina vâta 13 June 2021 liata ama hmâ. Local KTP to ama thatlo ngaita ta, atakô ahmâna cha niedo zy taihta pachhuahpanohpa ta ahmâ theipa a châ zie thâtih eima dao! 3. Noh Peimawhpa Sôh (Hâta Sôh & Aduano Sôh) nata Report Form zy nama vaw paphao chatlie bâ aw ta, eima cha pahnosa!

MISSION Department

Mara Awnanopa ta Mission a chakaona su Rakhine State, Paletwa pai liata chariahpa pyu âchalih chaina daihti châta, chakaotuhpa zydua ama tlâh khaipa nata chakaona chhao ama hria pazao thei lymâpa thâtih eima dao.

1. Asho Field Refugee liata a ypa maluh 285, ody 53 liata ody 4, maluh 19 deita ama yna khih ama pangai thei chyupa a châ. Rev. Vabeilua nata Rev. Daikau zy ama saw tlahleina vâta ama chakaona su puasaipa ta atahmâ June 21, 2021 liata Rev. Vabeilua cha Sittwe tawhta Kanlet atlô haw. Rev. Daikau deikua vaw tlô thei mâh vei.
2. Laytu Field he atahmâhlâ raihria ama chakao pha kaw. 2021 Assembly EC khai tawhta a vaw pih thiehpa mo 22, athipa mo 2 nata ngiapâ thiehpa mo 17 ama vaw châ. Evan. Aung Than deikua Awnanopa dâh a vaw chapia hawpa vâta chakaona pahâsapa a vaw châ haw!
3. Laymyo Field Secretary Rev. Khawthai nata Director zy ta Daichhauwa liata chhihtuhpazy a pathiehna March 26-28, 2021 liata ama taopa thâtih ama thei. KTP Music nata Laymyo châ achuna chhao kô phesi khih liata taopa a châ hra. MEC Synod 2 & 3 tawhta baona ks. 3,000,000/- hmô pa châta, Hmutanu Achhyna o cha patlô hawpa a châ.

4. Myo Khami Field Refugee liata ody 44 nata maluh 253 eima Awnanopa ama y chy. Awnanopa apih thiehpa mo 3 nata ngiapâ thiehpa mo 1 ama châ. April 12-15, 2021 liata Taungmi Local liata Krizyhpâ nô zy training taotheipa a châ. Eima Awnanopa Mission eima chakaona liata foreign Local tawhta mission sôh a vaw ngiana rairu kaw chyhta, ECM chhao cha hawhta a vaw châ. Eima râh thotlah Local tawhta Beipari Sôh deita a nga chhâpa a châpa vâta Local tota nama thlahchhâna nata hmopha taona Mission Sôh châta kuzô pha viapa ta nama vaw chakao awpa ta Krista Zisu moh ta ahawna eima chaw hnei chaneipa a châ.

PASTORAL Department

Phaohrina tawhta Rai Phapa lâta

2019 Krisma kha zawpi hmaokha ta hmâ thei pita, buakha châ ta pachâ khih lâ , he daihti he zawpi hmaokha ta eima lyna daihti hnoh chaipa a châ chy thlyu aw. Krisma khai buakha ta liata 2020 kô thiehpa kaw tlô heih pita, "Kô thiehpa chibai (Happy New Year)" tahpa ta viasazy chibai eima bu. Byhnazy eima awpa rairi. Abeipa liata thlachhâ pita eima pavaosa hra. Chahrâsala eima lyna nata hnabeiseihna cha buakha movi hlâ ta Covid-19 vâ ta padiahpa ta y ta, phaohrina eima tyh pathao. Ato zydua hlâta eima peimawh chaipa miakha cha; potlana tawhta a boh awpa he a châ thlyu aw. *Chysazy hro pachha nawpa ta Covid-19 potlana tawhta a vaina, pôhkha liata Krista palyupalihna nata hnabeseihna hro hnei awpa he ngiapâtuhpazy chakaona peimawh kawpa mission miakha ta a vaw châ haw hra (Eph. 1:19-20).*

Covid-19 tawhta a vai nawpata "O chhôn h tlô h teh u (Stay at home)" tahpa order he râh hluhpi ta amâ papua. He he avaina dâh hluhpi hry liata a vaina pha chaipa miakha a châ thlyu aw. Hawrawh hropa ta eima rei khih, â byuh hmeiseih leipa ta cha hawkhô pua leipa ula - khitly leipa ta nama o raizy a phapa ta a hria teh u tahna yzie a hnei hra. Tahmâhla daihti he Mara râh chhôn liata chhônkhâ hluhpi châta lâ chhônkhâ akaona daihti phapa, eima lyu, sado, sahrozaw hpz a pha kawpa ta môhôn khasiana daihti phapa ta hmâ pha sihla eima phahnai khei kaw aw (eg. *Sabyhpi liata khihsapazy cha; diady (wa-u) lona daihti ta hmâ ei ta, dyhkha ta diady kô 7000 chônla amâ lo thei haw).*

Tahmâ hlâ daihti he phaohrina hluhpi a ypa chhao ta, hnabeidy leipa ta, eima pôhpa he Zisu Krista palyupalihna châta hmâpa ta, eima daihti he amâ hnei ta hmâ thaina a y thlah hrâ . Chavâ ta tahmâ

hlâ daihti he pôhkha nata chhòhkha chakaona daihti phapa ta hmâ thei a chhuah via suh u. He hawhta chakaona he pôhpa nata thlahpa châ ta mission peimawh kawpa a châ hrapa vâta Covid-19 a chahra kawna daihti liata lâ â byuh hmeiseih leipa ta khitlynazy, ahmao pakhyina laipazy tao leipa ta; pôhkha, khieh nata râh hnatlahna vai pha ta, eima râh chhòh liata rai phapa hria thei chyua awpa ta Zisu Krista moh ta ei chahrûa chyua ei. Mara râh kotho liata a pahrapa Mara sawzy chhao nama yna su chyua liata raiphapa papi thai nawpa ta Khazohpa ta sohna cha pie ei se. Khazohpa ta Marasaw nata khizaw chyhsa zydua potlahna tawhta maniah pachha chyua mawh sy

Rev. T. B. Joshua thina kyh

Rev. T. B. Joshua, kô 57 cha tlâhleipazy hlupi palôhru chieleipazy nata ahripa ta a patupa pasana hluphi thlahchhana ta a patlâh tyhpa Evangelist rôhnapa cha Nigeria râh Logos khieh liata June 5 noh ta a paha haw. Ano he a hawti daihti tawhta Biehrâi rei a pahâpa a châ. Sikul akialâhpa viasazy ta hawtipa pastor ama tah tyh. A vaw satlia tawhta Khazohpa Thlahpa Pathaihpa ta sathaw eima thu tahpa phua ta Logos khieh liata achhyina o lai ngâsâpa he a padua.

Online tawhta a thâthipha bie reipa a nathlietyhpa he members 6 million hlâta ama hluh via. Nigeria râh liata khichhai a tlôpa 6 he ano achhyina o lâ ama tlô chyua khai tahpa ama reih. Chakaona ta chhaichhi ahma chai tyhpa cha Ti a châ. Tizy athia ei nata tlâhleipazy tlah eita pasana khiakhipa a hneipazy hlupi ama tlah hra. A ma pôhpa ta avy theileipa tlâhleipazy cha chhiehrei o ta ti paphao tyh ta hlupi ama tlah hra. A chakao chhòh ta Ti a paphaopa oh cha 40,000 a phâ. A thi daihti liata khizaw liata moh pathâhpa hlupi ta ngiachhiena bie ama reih hra. Africa râh liata chyhsa mo pathâhpa 50 hryta ahlaio theipa a châ tahpa a ma phua.

Mala Pastor Quarter Pahyna Report

Mala bia nata Pastor Quarter cha May 9/ 2021 noh ta Rev. C. Sitlô, Deputy Moderator ta a pahy. Pastor Quarter cha 32ft x24ft ta sapa a châ. Bia thiehpa alyna nata Quarter pahyna hneipa liata Immanuel hlapy, Sabypi bia chairman, Mala (B) KTP member (15), Synod (4) KTP Chairman Km. Khai U nata Treasurer Ls. Neitlei zy chhao miah ama hlao theipa vâta eima ly hmeisei.

Quarter he 42,32,000 MMK ta sapa châ ta MEC Assembly tawhta 10,00,000 MMK, Sabawngpi bia tawhta 360,000 MMK, Km. Tekha (KTP President) tawhta Tho Kb 358 zy a piepasaina vâta pangoh theipa a châ. A vaw pie pasai theipa zydua chòta Khazohpa ta byhnâ cha pie ei se tahpa thlahchhana nata alyna bie eima cha hlâ.

Pro. P. San Bee, Biatuhpa Mala

Mindat Local Church thâth nata alyna bie reina

Mara Evangelical Church Mindat Local Church he Biatuhpa Rev . K. Zahne, Hyutuhpa Mch.Chhamau zy ama châ. Awnano mebâh Odyh 48 châ ta, Maluh zydua 176 ama châ. Mindat Township lia heta Marapa awnano hropa Odyh 10 ama y hra. Mindat liata apahrapa Mara saw hluh via he sawhkhâ rai ahriapa ama hluh via. Gazette Officer mo 5 hnei pi ta Staffs mo 47 a ma châ. INGO staff nata kuzô thaina khi a sapa chhao ama y hra. 2021, February thla tawhta Sawhkhâ rai ahria tuhpa mo hluh via he sawhkhâ kholeina palâsana tao chyua ei ta, ama khieh lâ ama sie hluh via. April 5, 2021 noh lia heta eima mebâh Pupa Thahnie cha Air gun ta lyurâh puana vâta Mindat Lô O liata patahpa a châ. Pheisaih sawhkhâ nata zawpi sawhkhâ abuana vâta ama yna Mindat khiehpi cha April 4, 2021 noh lia heta Mindat CDF nata Burma pheisaihzy ei khana a ka ama pathao. He daihti lia he MEC mebâh odyh 23 ama tâh chy. May 5, 2021 noh lia he ta Saya Nawma, Gospel Baptist liata chakaotuhpa saw chapaw St. Zekô (Kô 14) he ama chhòhkha anaona alei ama chhiana liata alei ta tla thlu tlamaw ta khizaw mia akho sai haw. May 12, 2021 noh lia he adyuhna ei (2)na thyu heih ta tha ta a khiehpi zydua abua pathao haw. Noh (18)chhòh khòtho pua leipata a hrai khòhpa ta anyupa a châ. Mara mo he anyuna su (4) a pachhaihpa ta a nyupa a châ. Adyuhna vâta khichhòh zawpi nie tyh pa ‘ Ti’ hnawh mohòh thaipa a châ khao leipa vâta May 19, 2021 noh tawhna heta khichhòh tawhta awnano mebâh zydua khichhòh puasaipa ta IDP Camp ama taona su pangaiipa ta arâsaipa a châ haw. Ama râna chhao he hmaohkha ta arâ thai awpa a vaw châ khaoleipa vâta â rypaohna su tlua chyupa ta Saw Myane, Saw lâ zy, Mindat Township Loset khi lâzy, Saw Myone, Gan Kyi lâzy a râ chyupa a châ. MEC Head Quarter tawta baona MMK 250,000pa nata keimo Local grant chhao hmâpata avaihna châta sapha bags 50, Meihei (Charcol) bags (100) , sathaw nata dailua(Kalape) hawpazy a so dyhpa châ tawraw ta anie hmâh ta nie hma khao ma pi. Arâsai syulyupa a vaw châ haw. May 21, 2021 noh lia heta MEC mebâhpa Pupa Khane (Pihna khi Chakhai) Sawchapaw pa (1) nata saw chanô pa (4)zy pawhrâhpa cha buakha hawtinaw hmodâh a vaw lana liata pheisai nawh ta (Htin Chhau) khieh pâh liata kê sao ei ta maniah a vaw pahâsai haw. He daihti lia he adyuhna aru tupa vâta ri hmâhta la thaipa châ khao vei.Taokheina, pabuna service hmâhta hmâh thaipa châ khao vei. Chavâta (Kyaut Htun) liata Baptist Pastor pa Rev. Mang Hung ta ri pabuna service a hnei. May 29, 2021 noh lia heta ama yna Camp liata hmahta y thai awpa a châ khao leipa vâta ama rypaohna chyua ta pua chyupa a vaw châ haw heih. Mandalay, Yangon,

Lashio, Sangai nata Marapa rãh lâzy pua chyupa a vaw châ haw. Eima rairu chaina daihti liata eima Biatuhpa Rev. K. Zahne chhao he achhana taih miah ypã lymã ta a chô liata eima ly hmeiseih. He rairuna atyha eima mebãhzy châta MEC Headquarters tawhta MMK 1,100,000/ chhao he daopa a châ. He chhaohe rairu penawh odyh 23 ta raipa châ ta eima rairuna mia a vaw pathlã hmeiseih. June 18, 2021 noh liata Mch. Rochai (Pensioner) cha sapa chiehleina vãta apina khih Lailenpi liata maniah a pahasai haw. Awnano mebãhzy dua thlachha khi na vãta Air gun Case vãta Lô o atãhpa Pupa Thahnie chhao June 22, 2021 noh liata a vaw pua haw. Eima rairu chaina daihti liata kao to tawhta taokheina miah ahneipa awnana mebãh nama z dua chô liata alyna bie eima cha hla hmeiseih ei. Khazohpa ta byhnã cha pie chyua ei se.

Mch. Sabei

Mala (A) ahmãna report

Daihti buaba rairuna hlupi y hrasala keimo Mala A local liata ahmãna cha hlaotloh kawpa ta hneitheipa a châ. “Khazohpa Thlahpa chhithana” tahpa Bie pipa hmãpa ta Htp Rolao, Evan Silao nata Pastor San Bee zy chhithapa ta ahmãna cha June 22-27/ 2021 taihta thyutlia mo (89) ta Camp angiapa ta ahmãpa a châ. Khazohpa ngiachhiena eima to pha kawpa vãta eima ly kaw, chavãta alyna a theithlana Lôbô chhao bô theipa châ ta Biatuhpa Pastor San Bee ta pahyna ahnei. Lôbô liata ahmãna biepipa, “Thlahpa chhithana (Rm. 8: 14)” nata ahlãna, “Khazohpa cha ta Krista rohpahana (2 Kaw. 2: 15)” rohpa a châ. He hawhta hlaotlohna miah pietuhpa eima Beipa moh cha reithaipa ta y mawh sy!!!

Raka ahmãna report

Keimo Raka liata Date 15-24/5/2021 pachhana Camp pahypa a châ Biepipa Zhn 3:36 hmãpa ta 1. Rev. B. Khusa (2) Rev. M. Khumi (3) Mch. Sachi (Htp), Rari (4) Ls. Khopha (Ralie) (5) Ls. Vahrozi (Rari)zy ta ahmã kheipa a châ. Camp a ngiah theipa chapaw (49) Chanô (26) a zydua (70) châ eita, Khazohpa reithaina hla nata bie liata a phualuah hmeiseih. Camp liata KTP zawpi sahlao niedo maophyuh lei nawpata Local KNP & Local nôpawpazy maophaona lâ eita arôhna eima ta kaw. Camp. MP. Hielei vao so (5) pokha â pie pasai. Camp tawhta eima vaw pua khai ta Rari Local KTP zydua eima Local KTP zy miah vaw deichhy eita no (3) ABeipa lâta Hla & bie liata hmaohkha ahmãna eima hnei. Daihti pachhana noh liata pupa Laisai chhõkhazy tawhta vao so (6)pa nata alyna kyhchhi taopa ta pachhapa a châ. Suto, rãhto tawhta thlahchha miah baotuhpa nama zydua chô liata ABeipa mohta alyna bie eima cha hlã.

(Mch. Mathie, Raka)

Lialaita khi Ti a tlõ hawpa report

Kõ hluphi chhõhta ti a phahlapa Lialaita khih cha nama thlahchhana nata thapasana vãta January, kõ tawhta hria pathaopa ta Hrõkei tlãh liata a ypa Nohkao chavah ti cha Lialaita khi a vaw tlõ haw. Raihria awpa a y chyua vãta December thla chha rachhõh ta ABeipa la liata alyna kyhchhi chhao tao awpa eima chhuah. Ti a tlõ thei awpa ta ama hneina ta miah baotuhpazy eima cha ly ngãsã.

1. Marita First Baptist Church USA, Ks. 1000000/-
2. Saya Sahutha LLP Ks. 100000/-
3. Saya Beirahmo, LLP Ks. 100000/-
4. Saya Sabei LLP 50000/-
5. Rev. Hla Aung Biatuhpa Ks. 50000/-
6. Dr. Pahu, LLP 50000/-
7. Saya Beipha (Hala Thua pine pazaona 130
8. Pupa Taiza LLT Old 50000/-
9. Saya Hriechhau LLT Ks. 50000/-
10. Dr. Beichõtha LLP, Thailand Coffee 2 Box
11. Saya Thachho Mawtaw miah apahma
12. Lialaipi 2 Thua pine tla 346
13. Mch. Beima Teina Mietopa mia-1
14. Pupa Beinge LLP Mawta miah pahma
15. Saya Laisia, Sabyhpi Ks. 10000/-
16. Pino Min Soe No LLP nodie 1 boxes mo 1 bos
17. Saya Lelei, mo 1 Pack
18. Papu Khaihmo Demark Ks. 1000000/-
19. Pupa Rokhe Norway Ks. 1000000/-
20. Saya Beithawsa Tei Sa 30
21. Pupa Ngosapepaw ti pine lapi siena awpa asaipa ta miah a chho.

(Km. Beikhe, Ti Board, Lialaita)

SDTC tawhta Thokõ lona ta Hmopha ama tao

June 5, 2021 Khizaw Thokõ Lona Noh liata SDTC/TPA, Lialaipi Hriatuh zydua ta Lialaipi khihpi chhõh motor lâthlõh kia, lâtyh kia, achhyna o zy chheipãh liata Hraisua kõ 24, Peacock Flower kõ 40 nata nohdi phapa thokõ zy lona Hmopha taopa achã. Thokõ lona ta hmopha taopa SDTC/TPA (Lialaipi) chô liata khisaw zydua ta ama ly ngaita tahpa thãtih daopa achã.

Hqrs., Lialaipi Compound chhõh liata Assembly Quarter sapa a châ

Assembly pachhuapanohpa ta ES Qrs., Lialaipi o he palypa ta MEC Office Compound chhõh liata sapa achã. Tãrinoh May , 2021 tawhta raihria pathaopa châ ta, Sabyh liata eima ngiapãlãhpa unawh zy hma mania la eita, June ,2021 noh liata sapatlõpa ta AMC nôpaw zy ABeipa lâta hlãna ta pahypa a châ. Assembly Qrs., palyna noh tawhta pahy theina noh taihta mania chhithatuha ABeipa liata alyna bie hlã hmeiseih pi ta, palyna/sana chõchãh zydua liata hma mania latuhpa Sabyh liata eima ngiapãlãpa unawh zy hnohta alyna bie eima hlã.

MEC KPP CC Chhithatuhpa Padua haw

MEC Awnanopa chakaona kyh liata hmasie via thei awpa ta, Local level liata thokha cha, KPP he padua hawpa avaw châ. Atahma he Local KPP he Local 20 rachhôn adua hawpa a châpa vâta Central Level paduapa ta Local KPP chyu akaona he ta Krista raihria chakao thei awpa he Assembly ta a chhuahna nata a khokhei chaipa a châpa hawhta Târi June 17, 2021 noh ta Jubilee Hall, Hqrs., Sabyhpi liata ei(1)na KPP Hqrs., General Meeting taopa ta MEC KPP CC chhithatuhpa zy he arylâ hawhta paduapa a châ. KPP CC chhithatuh zy chakaona he kô 2 term-kha a châ taraw cha, kô lâlaona a châpa vâta he chhituhzy he 2021-2024 châta a tlypa achâ.

Office Bearer Member zy:

1. Chairperson : Pupa Zawma (Sabyh)
2. Vice Chairperson : Pupa Pawhrâ (Immanuel, Sabyhpi)
3. Secretary : Rev. Dr. Si Khaw (AGS, Concern Secretary)
4. Assistant Secretary: Km. Ngôkhawle (Sabawngpi)
5. Finance Secretary : Pupa Chhote (Dawlei)
6. Treasurer : Km. Baongia (Patheitlâ)

Central Executive Committee Member:

1. Synod. 1 : Pupa Chôlua (Patheitlâ)
2. Synod. 2 : Pupa Râsia (Lialaipi. V)
3. Synod. 3 : Km. Biechhai (Taubu. A)
4. Synod. 4 : Pupa Chhâmâ (Sabyh)
5. Synod. 5 : Km. Thahu (Ngephepi)
6. Synod. 6 : (Hakha)

Thachha bao awpazy:

1. Mch. Chhiekho, Lialaita Old cha June 28, 2021 noh ta chiehleina vâta maniah a pahasai haw. A siesaipa a chhônkhâ nata awnanopa châta thlachha suh vy.
2. Mch. Machei, Sapaw cha July 5, 2021 noh ta chiehleina vâta maniah a paha sai haw. A awnanopa nata a chhônkhâ châta thlachha bao suh vy.
3. Saikao khieh liata Covid-19 potlana vâta rairuna tha ta ama tyh. Khazohpa ta Covid-19 hriiah a pai chatlie thei nawpa ta thlachha bao chyu suh vy.
4. Kalay khieh he Covid-19 ta tha ta a suna khieh a châ. Chin chyhsazy pastor mo 40 rachhôn Covid-19 vâta mo 40 ama thi haw. Kalay khieh lia saita pastor mo 30 ama thi haw. Chavâta Kalay liata MEC awnanopazy chhao nama thlachhana liata a thei chyu suh vy.

Thâtih pahnosana

1. Tisi khieh liata khihropa Seih pinô sâkha avaw ngia haw ta, azipa, apahleipa nama y khiah ta cha thlai nama vaw pado awpa thâtih eima cha pahnosana. (Awnei paw; Tisi)
2. KHP Seal ahmô/ato mahleipa local zy nama y khiah Hqrs., Lailenpi, KHP Secretary hnohta nama vaw la chyu awpa ta pahnosapa a châ.
3. KHP pachuna Biehraih pahno kawna nata Biehraih tluana pahlypa bu (Bible Quiz) akhohpa KHP local zy nama y khiah Hqrs., Sabawngpi nata Lailenpi liata chalei theipa a châ.
4. Local KNP to lâta Mara biehlôpa pahmaoh khai awpa ta châ paphao khai hawpa hawhta thokha Local KNP zy cha pahmaohpa ta maniah ama vaw paphao lymâ haw. Chavâta a vaw paphao mah leipa Local KNPzy Chanô nata azaopa biehlôpa nama pahmao hluh theina chhohta pahmaohpa ta KNP Secretary atyuna Headquarters. Lialaipi lâta maniah na vaw paphao lymâ awpa ta pahnosapa nama châ.
5. Chin State nata Mizoram State zy liata Covid-19 hriiah a pakiana a chatlie tupa vâta Lialaipi nata a chheipâh khiehzy liata a ypa zawpizy Covid-19 tawhta ama boh thei nawpa ta July 10, 2021 tawhta July 30, 2021 taihta Lialaipi khi a ngia/ puapa rai (rai) pasaipa châ khao aw vei. Chavâta khitlypa zawpizy ta he pahnosana he zana chôta nama zi chyu awpa ta eima cha pahnosana.

COVID-19 AVAINA CHÂTA MO PAKHA CHYU ZI AWPA

Eima Mara râh Covid-19 potlana tawhta eima boh thei lymâ nawpa ta a ry liata palâsapa zy he papei mawhsa ta, zi chyu awpa ta eima cha haw.

1. Ahy rai khôtho pua tita HMAOPAKY (MASK) a paky lymâ awpa.
2. Sahbaw (or) Handgel ta ku a si lymâ awpa.
3. Ku pazah, ku paro ta mokhaoh tlyma, hnapasu tlyma, pakah tlyma, hmia tlyma hria lei awpa.
4. Ku a patu ta chibaih abu lei awpa, mo pakha nata pakha a chakao (hug) lei awpa.
5. Chysa zawpi a pahmao lei awpa, chyhsa ahmao pakhyuna su liata a pahlao lei awpa.
6. Khôtho pua lei awpa, O liata y awpa, mo hropa o lâzy charei lei awpa.
7. Aleitheileipa ta khôtho pua awpa a châ khiah MASK a ky awpa, mo pakha nata pakha achyhchai ta (6 feet) ahlapa ta atyudua awpa.
8. Chysia zy, noto ta hmâ tyhpa chhaichhizy, ku ta hria via tyhpa hmodah chhaichhi zy, phone zy apathai kawpa ta so awpa, O zy pathaisa lyma awpa.
9. Pakhu tita tlyma, hathi tita tlyma tissue ta a chahruh hâ awpa.
10. Pôhpa hnatlana papeimawhsa awpa.